

D A M A S C V S



DA M A S C V S, vrbs est Syriae primaria, & totius Asiae vetustissima, quam Abrahæ seruos prima fundatione construxisse, sacre testantur literæ, magna in valle situ est plano, sed agro campestri ac sterili, nisi quatenus aqua irrigatur, fistulis atque cuniculis subducta, cuius humore solum redditur fertile, & consitionibus aptum, montibus omni ex parte cingitur, distans ab Hierosolyma ciuitate sancta per Syriae alpes pedestri vel equestri itinere quinque dierum. A mari Mediterraneo autem LXX. miliaribus Italicis Magna & laxissima suburbia, quemadmodum Lutetia Parisiorum habet. Porta, laminis ferreis, sicuti Cayri, & pellibus capreis sunt obducta. Platea admodum angusta & indirecta. Domus intus elegantes, multiplici marmore, & imprimis ophiace nitent, foris autem structura sunt minus venusta atque deformi. Vrbs ipsa opulenti, frequenti populo habitatur, præstat hoc ipsi frumenti, annonæ, & omnium necessariorum rerum grata abundantia, quæ, mulis, camelis, dromedarijs, & equis per asperissimos montes eo deuehuntur. Neque enim vehiculorum, rhedarum, aut bigarum, aliquis, ad eam adeundam, ob itineris difficultatem, usus esse potest. A Mauris tam atrii, quam albi coloris, Turcis, Iudæis, Græcis & Christianis promiscue inhabitatur. Arcem habet præcellenti structura à porphyritico lapide eleganter perfectam, turribus quatuor, muris ac propugnaculis munitissimam, quam Florentinus quidam priuatis impensarum sumptibus construxisse dicitur, cui mira quædam fortuna, huius vrbs administrationem pepererat. Scribunt etenim, Sangiaci Sultano, seu Gubernatori Syriae quandoque propinatum esse venenum, cui Florentinus quidam, qui tum agebat Damasci, accurata medendi ratione antidotum præbens, charissimus eapropter Sultano fuit, inter Mamaluchos annumeratus, & Damascena hac vrbe donatus est: Muris non adeo altis, & vallo cingitur, in quo moros arbores colunt, quarum folia bombicibus alendis deseruiunt, sunt etenim hic plurimæ officinæ, in quibus subtilissima & tenuissima harum vermium tela primum à semine ferreis & præcutis instrumentis primum mandant, tum in fila contorquent, & demum superbissimam ex ea vestium materiam mundè texunt, quo maximo splendore, & incredibili luxu matronæ, & omnes passim mulieres Damascenæ vtuntur. In ipsa arce vrbs Sultanus agit, quem Sangiacum, quod nobis Gubernatorem, aut locum tenentem sonat, vulgari ipsorum idiomate vocant. Maxima est in hac vrbe lymphidissimorum fontium & aquæ viuæ commoditas, partim ex vicinis montibus, partim ex fluuio Damascum secante, & ex monte Libano, non ex Iordane, vt multi, inquit Bellonius, decepti, qui vulgò Chriforoas, scaturiente, vt pauci, tam in vrbe, quam in suburbio inueniantur, qui in ædibus proprijs & hortis fontes ex pulcherrimis marmoreis lapillis artificiose fabricatos non habeant, arboribus, fruticibus, herbis, & omnis generis plantulis rigandis vtilis & necessarios, qui ipsis vsui & delectamento sunt. Scater enim ager Damascenus omnifariam fructibus, vti vuis, ficibus, amygdalis, oliuis magnis, & malis punicis maioribus, quàm in tota Europa alibi inueniantur, caparibus, & prunis præ omnibus Asiae & Europæ selectissimis, quæ Damascena vulgò vocantur, tantopere inter alia à Dioscoride, Galeno, & Græcis commendata, quæ tam gustu, quàm forma nostratibus sunt dissimilia, & maiore pretio, quàm nostra Hispanica, veneunt. Iberica aut Remensia, nucleum habent latum, & compressum: Iberica autem & alia in Europa rotundum. Magnus etiam ibidem est prouentus alimentorum humano generi ad vitam necessariorum, tam carniū quadrupedum, quam volatiliū, vt pullorum & perdicum, corpore & plumis nostris similia, sunt & pisces fluuiatiles copiosi, oua & lactinia, inter quæ Melca & oxigala, Damascenis, vt & omnibus Turcis, in summis delitijs. Sunt in vrbe complura & elegantissima delubra, Muscheas appellant, sed quod ceteris præstat, id constructum est instar Basilicæ D. Petri Romani, nisi quod in eius meditullio, nulli sunt imbrices, vel testæ, sed patescit, vt sit sub diuo, in eo complures sunt elegantissimi & lymphidissimi fontes, circum delubrum verò ipsum, omnia sunt concamerata. Illic peculiari cultu, summoque honore sanctissimi prophetæ Zachariæ, vt verum corpus obseruant. Primo ab vrbe lapide, locum videre licet, vbi ferunt Saluatorem nostrum D. Paulum increpuisse, primam in Christianos persecutionem molientem, his verbis: Saule, Saule, quid me persequeris? eo loci nunc Christianorum sepultura est & Ecclesia. Ex altera parte vrbs, ad orientem, vno fere miliari Italico Ecclesia visitur, vbi Cain germanum fratrem suum Abelem nefarie occidit. Locus quoque, in quo primi homines formati sunt iuxta hanc vrbe, sacra Scripturæ, & Theologorum testimonio esse putatur. Summa est animorum in tota Syria & Orientali imperio pax & tranquillitas, & maior, quam in vniuersa Europa, concordia, nullæ etenim sunt ob fortunæ bonas lites, & nulli proinde Aduocati, Procuratores, aut causarum sollicitatores, quia debitores non sunt ulli aut creditores, omnia prompta & parata transiguntur pecunia, cuius inter omnes nationes frequentia. Et separatim omnes peculiarem plateam incolunt, quæ ab ipsis Iudaica dicitur, quemadmodum Auinione in Gallia, & Francofurti ad Moenum in Germania. Alia autem nationes, vt Armeni & Græci viuunt, & negotiantur passim cum Damascenis, Medicæ hic aut exercentes, sunt ferè omnes Iudæi, qui simul chirurgi & simplicistica, medicamenta sua, Græcorum & Arabum more, ipsi componunt, quia in vniuerso orientali imperio nulli pharmacopolæ inueniuntur, sed quemadmodum tempore Galeni Romæ, simplicium tantum professores & studiosi. Quibus omnino nihil, nisi restituta prius ægro sanitatē, offertur, magno tamen in honore, tam præsentis, quam imminentis necessitatis causa habentur.